

قرار غير مدروس وتوابعه كارثية ☹️ وقف سير الميكروباص على الطريق الدائري يثير غضب المواطنين



الاثنين 19 مايو 2025 08:30 م

أثار إعلان الفريق كامل الوزير وقف سير الميكروباص على الطريق الدائري بدءًا من 1 يونيو المقبل مع بدء تشغيل الأتوبيس الترددي بحجة توفير وسائل نقل حديثة ومنظمة، غضب الكثير من الأهالي التي رأت أن وقف سير الميكروباص سيعطل مصالحهم وسرعة الزهاب والعودة، بالإضافة أنه سيرهقهم أعباء مالية جديدة ☹️ فكتب بحر "بعد ما كان الناس يركبو من أول الدائري لآخره بـ ١٥ جنيه ☹️ عمل أتوبيس لغاية نص الدائري بـ ١٥ جنيه و الناس تنزل تأخذ ميكروباص بـ ١٠ بقى باقي الطريق".

<https://x.com/ba7r30/status/1924181128606327232>

وسخر دكتور مصطفى جاويش "وقف الميكروباص يعنى دخول التوكتوك لأن الاتوبيس الترددى سعره مرتفع جدا".

<https://x.com/drmgaweesh/status/1924182373341467071>

وتهكمت عالية مرسي "ده مكمش أسبوع تشغيل تجريبي ☹️ ازاي يعنى يوقف مصالح الناس على مشروع فاشل زي ده".

<https://x.com/MorsiAliaa73805/status/1924095807168389125>

ولفت أحمد عطية "مش هيقدر يمنع .. أتوبيسات الوزير لن تكفى لنقل آلاف المواطنين فى أوقات الذروة ولو استخدم "كامل" كامل أسطوله ☹️ الناس على الدائري فى أوقات توجههم لأعمالهم ومقاصدهم مثل الماء لا يوقفه شئ ولا قرار".

<https://x.com/mdkyry62814129/status/1924123793506570569>

وأشار وجدي "إذا كانت مشاريعك جادة ومفيدة لماذا تحارب الناس في أرزاقهم؟! أطلق مشروعك ودع الشعب هو من يختار المناسب لدخله ولكن احتكار الطرق هذا لا يوجد في أي دولة غير دولة الحرامية والعربيه أمثالك".

<https://x.com/altayra91391818/status/1924084604337525247>

وأضاف إكرامي "طب و ليه قطع الأرزاق ده طب الناس أصحاب الميكروباص دول هاشتغلو إيه و لو مش هاشتغلو الدولة هاتعوضهم بإيه، وهل الأتوبيسات دي هيكون سعرها في مستطاع دخل الناس ولا لاء".

<https://x.com/ekramyezatz85/status/1924211508944281637>

وبينت نجا "و لما الناس تنزل من المحطات بتاعة الأتوبيس الترددي ع الدائري .. يركبوا إيه ؟؟؟ ... يتمشوا أفرنجي ع الدائري؟؟؟.. مش كل الناس تقدر تنده أوبر ولا تأخذ تاكسي علشان تكمل بقية مشوارها ؟!!".

<https://x.com/nonia1111/status/1924102110850719802>

وأكد أكرم "كالمعتاد قرار غبي غير مدروس سيسبب مشاكل أكثر من الحلول، كم سعر التذكرة مقارنة بالسرفيس، كم مواصلة ستركب لتصل إلى وجهتك كموظف وطالب إلخ، كم من الوقت سيزيد على زمن الرحلة، طبعا المهم سبوبة عرق الجيش و الناس تولع مش مشكلة".

<https://x.com/AkramRizq/status/1924121936877023440>

وأوضح عبدالرحمن "وقف سير الميكروباص على الدائري هي خطوة غبية من عسكري غشيم لايعرف إلا لغة القوة ☹️ هي بلطجة ☹️ وقف الميكروباص من على الدائري؟ طيب ياعمنا إنت هتخرب بيوت وتوقف حال ناس وتجبر الفقير على ركوب الأتوبيس الترددي أبو ١٥ جنيه التذكرة، وسواقين الميكروباص ☹️ يقعدوا في بيوتهم أو يسرقوا".

<https://x.com/abdelrahma51572/status/1924087255976624284>

وكان الفريق كامل الوزير وزير الصناعة والنقل قد أكد تنفيذ قرار وقف سير الميكروباص على الطريق الدائري اعتبارًا من الأول من يونيو المقبل مع بدء تفعيل الأتوبيس الترددي كبديل حديث ومنظم للنقل الجماعي في هذا الطريق الحيوي ☹️

أوضح أهمية هذا الإجراء في تحسين حركة المرور وتخفيف الازدحام الذي يعاني منه الطريق الدائري بشكل يومي حيث يشهد حركة سير مكثفة تزيد عن مئات الآلاف من الركاب يوميًا، إلا أن القرار أثار غضب المواطنين مؤكدين أنه سيكون له توابع كارثية ☹️